

# FENETA

TA HINKA

AÑA 1, No. 4

— Imprimi: Tip. Excelsior —

DECEMBER 1969

## INTRODUKSHON!!!

“Unda ku bo bira ta kambyo bo ta mira” un hende tabata sklama na bos alto den Kaya Grandi. Ya ta hopi tempo caba nos ta tende hopi hende ta usa e palabra “kambyo” i kada bes nos ta puntra nos mes kiko e kyer men. Ki nifikashon e palabra ey tin pa e persona ey. E biaha aki nos tabatin basta tempo, i nos a aserka e mener, kumindé, i nos a kuminsa un kombersashon ku a resulta den un diskushon di kita sombré i usa seso. Sin atake personal, sin insulta otro nos a ataka otro su ideya.

I huntu nos a binj na un akwerdo debi ku nos tur dos tabata kyer siña for di otro. No tabata importa kyen nos ta o laga di ta. Nos ideyanan tabata prinsipal i no e persona.

Nos a yega na un akwerdo, ku kambyo no mester keda pega den korigimento di abuso. Kambyo mester forma ideyanan nobo. Un kambyo ta pensa i buska kwa meta e tin, y kwa pasonan e ta tuma pa alkansa e meta ey. Pero henter ora e ta puntra su mes si e kaminda aki ta bon of ku tin miho kaminda pa yega e meta.

Un di e metanan di Feneta ta pa tur hende kuminsa usa nan energiya i talentonan sin kibra di otro ya ku aña 1970 lo ta e epoka mas briyante y dinamiko di nos historia.

Ban pensa i papya huntu di awor aki mes.

Nos por faya, pero e kandela mester keda pegá. Nos lo no kopya pero bringa ku nos mes arma saká for di nos baranka. Feneta di:

BON PASKU

FELIS Y DINAMIKO AÑA 1970.

## FENETA TA HINKA

wijki a fluyt. Wega a empata  
10 — 10. Nan di:  
Esun ku ta hunga wega di ladron,  
sali for di fèlt:

tromp di: Mi no ta gusta husti-  
sya. (Ya boso sa).

Bo ta bay? Bay ku broertje.  
Bo ta bin? Bin ku gobyerno!

Telegram di Elisabeth na Huland  
da i Korsow:

Aw'un dia no ta kapasidat bal  
stop. Ta enfermedat ta manda.

Korona di: Kumi so bo por papya.  
Ami ta rey.  
Nos a puntra: Ken ta karga ka-  
chu?

Nan di: Nos lo yuda Feneta, bas-  
ta Feneta keda bon mucha i no  
hinka nos.

Feneta di: Bay den ..... (sòri)

E mucha muhe skur bunita di:  
Mi no kyer Feneta, pasobra e no  
a kasa ku yu di Antiyas.  
Feneta di: Ey bow tin glas.

ZALIG KERSTFEEST

BON PASCU

MERRY CHRISTMAS

ADVERTISING ROSSI

VOORSPOEDIG NIEUWJAAR

FELIZ ANYA NOBO (1970)

HAPPY NEW YEAR

Na su distinguida Clientela

## HAROLDO ROSENSTAND

Argentiniëstraat 8A  
Oranjestad, Aruba  
Tel 3575



## REDAKSHON DI FENETA

FRANCISCO SPROTT  
FRANCISCO CELAIRE  
RAYMUNDO JANGA  
RAMON TODD DANDARE  
JOYCE PEREIRA  
JUANITA DE CUBA

LAY-OUT

ADI MARTIS

KOPERADOR

EDDY MARCHENA

## ADMINISTRASHON DI FENETA

Patiestraat 44  
Telefon 2548  
Dakota

## HISTORIA TA RIPITI.

Laga nos kuminsa ku un ehempel di e tan famoso táktika di: dividi hende y bo por goberna, reyna y abusa.

E hendenan ku sa historia di mundo ta usa e táktika aki sin fin.

Julio Caesar a usa e metodo aki pa tene e hendenan ku nan a konkista den nan poder. Hende no ta siña asina lihé. Awnke nan pasa miserya, hopi no ta siña.

Promer ehempel:

Den un pakus tin hopi empleadó. E doño di pakus kyer hopi ganashi y trankilidad bow di su empleadonan.

Kon e doño por logra pa e empleadonan keda manso?

E ta nombra diferente di su trahadornan komo hefe ariba e otro trahadornan. Esaki ta e promer paso pa dividi nan. E trahadornan no ta kompínchi mas. E sigyente paso di e hefe ta nombramento di otro empleado pa kontrola e otro hefenan.

Esaki ta un di e hopi trikianan, tin otro ku ta pone empleado bira yalurs riba otro, o sospechoso.

Parew ku trahadornan bay sinti nan mas ku otro nan ta chok nan mes y otro.

Ora tin desunyon e doño probecha!

Di dos ehempel:

Den e formashon di goberno e demokratnan a hunga e mesun wegá ku e oposishon.

Ora demokratnan a ripara ku e oposishon tabata fwértè, nan a cuminsa papya ku un di e partidonan so. E otro nan abira sospechoso i eynan e perdemento a kuminsa. Nan a kuminsa deskonfiansa otro. Net esey demokrat tabata kyera. Desunyon y bringament serka e otro nan tabata favorable pa demokrat. Demokrat a probecha di e puntanan y e lasonan swak ku a bini na klaridat.

Nos kyera agrega ku e Antianonan hoben ta tur fadá, disgustá di e sorto di politikonan ku nos tin.

Nan ta buska probecho pa nan partido y depwes pa nan mes y de rest kan stikken.

Nos ta spera ku bow di nos generashon tin idealista ku kyera y tin e guts pa mustra kiko kyera men goberna un pweblo na interes general.

Ya nos konose poko ku ta studyando duru y ta formando nan mes personalidat pa oro tempo yega nan lanta.

Bon Pasko gosa hopi y te otro byaha.

## "KON SKOL A SKOP POPYAMENTO"

Pa añanan largo alumnonan tabatá haña kastigo severo na skol pa motibo di papya nan lenga materno i vernákulo: Papyamento.

Papyando papyamento na kas, riba caya, brotando nan alegría, sklamando nan tristesa i te hasta saboryando nan emoshon, nan tabata haña syerto alivyo, o alivyo completo, myentras ku na skol nan tabata haña castigo i probablemente sla tambe.

Nèt na skol, e-luga na unda bo mester siña ekspresá bo mes mas bon, siña mas palabra di bo lenga, asina konosé loke ta rònt di bo, sí,

nèt na e skol aki bo ta haña ordu estriktu pa no usa bo mes lenga, sino papya otro idyoma ku no ta di bo. Ki mishi antiyanonan papya ku otro den su idyoma ku no ta di nan? Akaso chinésnan ta papya hulandes ku otro? Laga kèns, tende! Anto ta nèt na e skol aki, e kos aki ta pasa.

Figura bo, un institushon riba bo luga ku tin ku siña bo bo propyo kultura. Anto idyoma ta e parti mas esensyal di kwalkyer kultura, i ta nèt esaki ta loke hendenan (i boso sa keñ) ta purbá rementá ku ñamit di menospre-syo. I kiko ta e konsekwensya? Ku ningun alumno por papya un idyoma debidamente, ni sikyera Papyamento. Nunka nos a siñé na skol, ni papya ni skirbyé. Sí nos a siña papya Hulandes mal, Historya, Aritmética, Geografía. I kon lew nos a bay?

T'aki mes nos a keda! Konta kwanto dòkter, abogado, ingenyero, sikólogo, sosyólogo, kontable i otro hendenan siñá arubiano tin riba nos isla. Bo por kontá tur riba un banda di map, Bergwensa esey ta!

Nos mester stóp di aséptá loke no ta bon pa nos. Nos mester siña husga, ripará i kompará loke sí ta bon pa nos desaroyo.

Papiamento, nos lenga materno, a haña un bon skòp. Ta p'esey mes ku nos mes hendenan ta neglighé i bisa ku e no ta un idyoma. Pero ..... no ta nada.

Kos ta kambya. I é tin ku kambya awó!

Si nos laga para un banda anto, kos ta pinta malu pa nos tur. Tin ku ta bisa ku no tin buki. Si no tin anto ta traha. Ken a bisa ku no por? Boso ta kere ku ta Hulanda só ta produci buki pa edukashon? No, nos tambe por i podisé mihó, i den un forma mas fásil pa akumulá mucho mas material, den mucho menos tempo.

Skol a skòp Papyamento, però ABO, apresyé i asépté komo bo idyoma ofisial.

PA SEMPER BO POR SER RECORDA,  
SORPRESA BO AMIGONAN Y MUSTRA  
NAN BO MIHÓ DESEO KU UN NECHI  
BUKÉT DI FLOR DI :

## BERTHA'S Flowershop

MAINSTREET 26 — SAN NICOLAS

TEL. 5544 — (NA KAS 5524)

things go  
better  
with  
Coke



TRADE MARK

TUR HENDE TIN PA PASKU DEN KAS  
UN DOS TRES KAHA DI COCA COLA

### SKWADRON HUBENIL

### SHOW DI MODA

### — FENETA TA HINKA —

Un entrevista cu un Old Teeners di 58 aña.

S. H. — Kiko e hubentud awendia ta nifica pa señor ?

Toekomstige leiders en patriot-ten.

S. H. — Kiko señor ta pensa di e bistimentonan di e teenersnan ?

Nan ta propaganda pa e comerciantenan y alavez yuda nan. S. R. — Kiko señor ta opina di nos cultura ?

E ta masha exelente den e ior-g-nan.

S. H. — Di con den e jongnan ?

Pasobra e generacion di e juventud ta hopi avansa (nan ta old people).

Sigur boso teenersnan kier sa ken e Señor aki ta, wel ta trata nada menos cu señor Harold Hopmans. Un gran Señor y animador di teeners aki na Aruba.

Nos ta gradici señor Hopmans pa e entrevista chiki aki.

CIRO y CARLOS

FENETA ta proponé lo sigyente:

1. Edukadornan mestér risibi tur aña, durante e siman largo, un curso di ripitishon. Esaki pa tur keda na altura di kambionan i adelanto den nan ofishi, spesyalmente ku últimamente syensya ta marcha rápidamente padilanti.

Hubentut mes saka un miho kara ku esey. Diasabra dia 28 di November tabatin un anochi di moda na Manchebo Beach Hotel, organiza pa alumnonan di "Colegio Arubano"

E intenhon di e entrada aki ta pa yuda paga viaja di e alumnonan pa bay Puerto Rico.

Pa obra karitativo hopi hende a duna nan koperashon. Pero ora ku e aktwashon di e anochi ey a tuma luga, tur hende a keda asombra pa mira kon alumnonan di e Colegio mas eleva na Aruba a trespasa un wega di moda chikito pa hende.

Mi ta spera nan saka un miho kara na Puerto Rico.

Podiser nan no a haña e apoyo nesinario, o tambe nan a nenga di pidi ayudo adekwado.

En todo kaso, otro byaha nan organisa un kos, mi ta spera nan iasi masha hopi mas miho.

Ta bergwensa pa laga tanto hende warda asina hopi pa haña asina tiki di gosa. Tur hende tabata desastisfecho.

Ta dwel nos pero aki si, algun hobennan a faya.

Spera ku nan a siña algo di esey.

### KERIDO LEKTOR :

B'A PENSA KABA KU TIN MILES DI HENDE FOBER AKI NA ANTIYAS ?

Inspektor di: Skol ta pa siña mucha hulandes. Mi no tin nada kontra Papiamento pero..... ley ta ley.

Ke barbaridad Dyos mfo. Jora i frey na hulandes !

Telegram pa partida na hulandes! Antiyanonan ? Toe maar jongens. Staat in de wet.

Ata e mamoet a bini, adoré ta pará den ley. Ley ta manda mamoet koud koud.

Unda su identidat ta ?

Biba, guli, manda bow.

Brown a konverti pa e religion nobo ku yama Cannegieterismo.

### FINI FINI

Si bo yu tin un tiki bon kabes pa siña na skol, anto ta abo komo mayor ta esun ku mester duna e mucha un push pa su desaroyo.

Puntre tur atardi kon kos a bay na skol e dia ey. Laga e mucha lesa hopi buki. Si ta posibel buska un korant den kas. Kombersa ku e mucha. Asina e ta siña ekspresamente su mes.

Purba di korda bon kon ferfelo bo tabata sinti bo tempo ku bo tabata mucha.

Y hasi uso di e sabiduriya ey pa komprende bo yu den su problemanan.

Siña e yu pa solushona su problema su mes si bo ta sigur ku e

THE 2 MOST EXCLUSIVE RESTAURANTS  
IN THE CARIBBEAN

**"BALI"**

SERVING THE FAMOUS INDONESIAN  
RIJSTTAFEL

**"THE OLD MILL"**

WHERE YOU CAN DANCE IN THE  
CALYPS-O-THEQUE  
CALL THEM FOR RESERVATIONS  
2131 — 3006 — 2060

**Sigi Lesa Feneta**

KUMINZANDO NA YANUARI BO POR

**Aboná**

RIBA FENETA !

LESA SPECYALMENTE

**"Feneta di fin di Aña"**

lo logra.

Un tiki difikultat no ta nada, esey ta e dushi di problemanan ku no ta kwestyon di bida y mort-o.

Observa otro hende y papya ku nan tokante edukashon. Pidi maestronan di skol pa tene charlanan den boso baryo tokante edukashon i diskuti despues ku nan. No saborea reunyon di kontakto politiko so (kaminda bo no ta siña nyun donder). Hasi mes un esfuerzo awor ora lo tin algo di siña di un hende ku a studia syerto topiko. Y no bay sinta ku bo boka sera. Semper habri boka puntra y habri boka ora bo no ta di akwerdo.

Den e reunyon y no pafó esey ta e lema ora bo bay un charla.

Habri bo boka, nyun hende no ta kome bo, nan no ta bula bo kabez. Y si nan kontesta bo mucho duru, pensa den bo mes : holo, esta un komehende esey ta.

E pensamiento ey por alivya bo, y bo por sigi papya. Pero no keda pensa ku e otro ta un komehende pafó di reunyon, pasobra ta un otro sitwashon.

Ban purba huntu pa stimula otro.

Tin ku bo ta dal duru y otro ku palabra dushi.

**BA PENSA KABA :**

KU TIN HOPI HENDE KU LO  
NO PASA PASKU FELIS AKI  
NA ANTIYAS ?

**ALGUN DOSONAN DI PAKUS  
TA BUSKA GERA.**

Atrobe e luna aki nos mester a konstata ku tin hopi inhustisya ta pasa aki banda.

Un pakus na Oranjestad, i tin mas tambe, tin un sorto di sistema pa kibra nan trahadornan, esta pa kibra nan moral den nan lucha di hustisia den nan trabow i pa nan sweldo.

E sistema ta asina :

Un señorita ku ya ta traha 12 aña den e pakus ey tin un salario di Fls. 175.— so pa luna. E shon ey por tin por lo menos 35 aña.

Otronan ku ta traha, laga bisa 3 aña den e mesun pakus, ta haya Fls. 250.— ora luna caba.

Pa hasi e kos mustra un poco difisil nan ta pone un di nan supervisor anto e ta gana Fls. 300.— pa luna. Pero den e mes pakus aki tin trahado ku ta gana Fls. 400.— pa luna. Ta depende con nechi i kon hopi e doño di pakus ta gusta bo pa bo haya un sweldo ku ta pas ku bo, no ku bo esfuerzo ku bo ta hasi.

Un sistema masha bunita pa haci trahadornan haya rabia riba otro i tambe pa proteha e unyon nesario pa lamta un "Bond".

Awor si ta bira ora pa nos haña un guberno ku ta trese algun kambyo den e kwenta aki. Nos tin mester i lo mas pronto posibel algun leyman ku ta proteha trahadornan di pakus tambe, no solamente e doñonan.

Nos ta kere ku no bin un kambyo pronto na Aruba'ki, lo bin

algun dolo pa e doñonan di pakus.

Bo ta kere ku un trahado ora ku é ripara e abuso ku nan ta hasi kuné, tur fin di luna e tin di consumi su mes asina tanto ku e tin di jora, algo mester pasa un dia pa e por satisfacé su mes.

E kos di mas pio ta ku e trahadonan mes no ta haña sa kwanto nan coleganan ta gana. E coleganan ey ta asina mal colega, pasobra ta esey ta e idea di e doño di pakus, ku e no ta juda su ruman den lucha.

Asina nos ta ripara ku algun doñonan di pakus ta hasi nan trahadornan mes sinberguenza ku nan mes. Pone e trahadornan competi ku otro asina nan lema ta.

Doñonan di pakus habri boso mente promé cu ta lat. Tur luna ku boso manda boso trahadonan ku e mesun sweldo kas, tur luna mas nan rabia ta culmina anto e sla lo ta duro. Nos ta kansá di mira e trahadornan aki jora, pasobra ta mas fante muhé nan ta.

Nos mester bisa ku tin doño di trabow no ta meskos pero laga esnan ku ta sinti nan kulpabel kuminsa awe mes ku un cambyo. Pasobra nan lo perde nan turistanan i hopi mas.

**E LERAAR A RABYA**

Nos a tende ku na H.A.V.O. nan tabata masha malkontento ku nos observashon tokante e leraar ku a bay Hulanda.

Via otro maestro nos a haña

tende ku e kurso na Hulanda tabata un invitashon pa "Kweeksko!" i debi ku nos no tin Antiyano den e ramo di "rekendidaktiek e leraar a haña chens di bay.

Feneta di: Danki pa e informashon.

Pero un remarka si nos kyer agrega. E leraarnan mester ta basta homber pa skirbi nan eksplikashon o reashon ariba papel manda pa Feneta. Pasobra no mester wak e redaktornan di Feneta ku mal wowo na e skol ey.

Boso ta basta grandi i studya pa hasi e kosnan ey. Laga esey pa otro.

Kiko e alumnonan lo pensa ora nan ripará ku e leraarnan no por wanta ku puntra nan algo den Feneta. Pa kolmo ta nan ta siña e muchanan pa lesa bon i kritiko.

Nos a puntra un kos so den e Feneta no. 3.

Nos a bisa un kos so ku ta berdat esta ku e señor aki lo bay Hulanda bek tog.

Nos kyer informa e hendenan aki ku tur respet ku nan merese ku redakshon di Feneta ta konsisti di otro hende tambe i ku ningun di e redaktornan ku ta traha na H.A.V.O a bini cu e observashon aki.

Ademas kiko boso kyer. Pa laga tur kos na pas i no puntra nada?

Por ehempel si un di nos redaktornan lo ta den komersio nos mester laga nan na pas i no puntra nada? etsetera etsetera.

Pero puntra tras di esaki. Nos a tuma bon nota di boso kritika i nos a siña un kos mas aserka na fabor di nos pueblo.

Un otro byaha nos lo buska di haya mihó informashon.

## PIKA! PIKA! PIKA

Manera nos a bisa, den nos introdukshon di oktober, tin hopi hende ku kyer kos pika, rebelde, revolushonario den Feneta.

Mayoría di parti ora nos puntra nan kiko nan kyer men ku esey nos ta haña e sigyente kontesta:

Boso mester dal tal i tal fulano un bon palu, krak e, kritiké i lagé na werki, na granatchi.

Of otro ta fulmina tal i tal hendenan di syerto ofishi tin boka grandi, nan ta plé "high", nan ta kere nan ta masha kos, zundra nan.

Tuma, aki nos tin poko re-ishi tokante tal i tal.

Feneta ta bolbe bisa:

"No ta pasobra bo ta zundra, reda, i krak un otro hende bo ta revolushonario i pika.

Loke nos kyer ataka ta mentalidat i sistemanan ku nos no ta di akuerdo ku ne. Loke nos kyer kambya, nos ta ataka.

I mayoría di biaha nos lo purba di duna nos punto di bista kon nos kyer pa e bira. Esey ta hopi difisil pasobra nos no ta spesyalista den tur ramo.

Uniko kos nos ta spera ku esun ku si sa ta duna man i yuda ñuna solushon.

Nos sa ku tin hende ku ta skucha solamente ora bo bisa nan un kos na un manera duru.

## RACISMO

Racismo no ta algo cu nos ta haya eksklusivamente den pueblonan hoben, na unda tin biaha e ta scondi tras di e rivalidad entre e tribunan of partidonan politico, na unda ta afectá husticia i ta forma un peliger grandi pa paz entre ciudadanonan.

Durante e era colonial, racismo varios biaha a instigá colonialistanan y e poblacion indigena contra otro; e tabata forma asina un obstáculo pa un bon comprendemento i tabata sembra un rencor amargo como consecuencia di berdadero inhusticia.

Awor tambe racismo ta ainda un obstáculo pa cooperacion entre e pueblonan menos adelanta i un germen di discordia i odio den e estadonan mes, es decir, ora cu, sin teniendo cuenta cu derechonan sagrado di hende, **individuanan i famianan a base di nan rasa of color inhustamente ta keda privé di derechonan civil fundamental.** (Enciclica Populorum Progressio)

## "E AÑA BINYENDO"

Awor ku un aña nobo ta dren-tando ta bale la pena nos pensa nos un rato asina, riba nos rumbo den mundo, den Antiyas, den Aruba, nos komunidat i na nos kas.

Tur hende lo tin nan mes preokupashon, pero laga nos trata sin-

## Habibe Distributing Co.

Di Bo Amigo  
RANDY HABIBE  
Panamastraat 8, — Tel. 3961  
Ta Desea Boso Tur Un

### FELIZ PASCU Y PROSPERO AÑA NOBO

y alavez ta duna di conoce cu e ta deal den Cartridge y Cassette-Players pa Auto, Boto y Cas. Radio, Racing Tires, Etc. Tur cos di alta calidad.

van dorp

e libreria moderno den kaya grandi

pa bo kómprnan di pasku.

## DIRKS LUMBER YARD

BERNARDSTRAAT 106 SAN NICOLAS  
TA E ADRES PA BO

MATERYALNAN DI CONSTRUKSHON

E FERF KU A HACI FUROR RIBA MER-  
KADO TA :

### “Radar Paint”

empresanan estranhero i di eger-  
sito militar,

— kaba ku rasismo den nos sosie-  
dad i den nos kultura,

— garantia pa kada Antiyano ri-  
ba trabao, entrada, kas i eduka-  
shon dor di un programa kontinuou  
di proyekto sosial den man di go-  
biernu, dor di un sweldo minimo  
di por lo menos 300 florin pa luna  
pa tur hende mas bjew ku 21 anja,  
door di provishon sosial sufisiente  
pa tur famia i tur hende di edad  
i dor di dekolonisashon total di e  
sistema edukativo, huridiko i bu-  
rokratiko,

— rekonosementu obligatorio di  
sindikatonan komo representante  
di obreronan dor di tur kompania  
sin eksepsion.

— sweldo igwal pa trabao igwal,  
pa hende homber i pa hende mu-  
hé,

— ontslag segun reglanan di ley  
stipulá pa sindikatonan i gobier-  
nu huntú,

— un kas moderno ku awa ko-  
riente, lus elektriika, w.c., banjo pa  
kada famia,

— servisio di dokter, di hospital i  
medisinas gratis pa tur famia ku  
tin entrada di menos ku NAf 18.-  
000 pa anja,

— edukashon gratis i obligatorio  
pa tur mucha di seis pa diesochó  
anja,

— edukashon pa un fishi teknico  
durante e servisio militar.

E programa anti-kapalista i  
anti-kolonial aki por sirbi komo  
kriterio pa distingui ken i kwa  
grupo ta pará banda di interesnan  
di hinter poblashon.

Aksikomite ta propaga forma-  
shon di grupo pa diskuti e progra-  
ma aki i pa delibera den kwa for-  
ma por efektua kambio na probe-  
cho di hinter poblashon manrea un  
cho di hinter poblashon manera un  
kambio radikal den partishon di  
poder politiko na favor di e klase  
obreril i un kambio radikal den  
partishon di prosperidad i rikesa  
na favor di e dos-tercera parti di  
poblashon na nos islanan ku ta bi-  
ba den pobresa i humiliashon.

HASI ALGO P'E HENDENAN  
EY !

YAMA UN DI E ORGANONAN  
KARITATIVO DI NOS ISLA !

### REAKSHON

Aki un dos palabra di critica  
tocante e famoso “FENETA” cu  
ta musta cu tin guts di hinca du-  
ru.

Pero e palabranan papiamento  
na mi manera, ta bruha hende po-  
co den lesamento como cu tin mu-  
cho “k” y “y” usá como no ta tur  
Arubiano ta custumbra cu nan y  
ora di leza bo ta kiboca den pala-  
bra.

## Aruba Parts Supply

Bo meter di lastra otro auto sin Chauffeur ?

No mester usa cabuya

No mester mara stuurwiel

No mester preocupá pa danjo na bo auto

Ta masha facil. Buska un

### Moto - Matic Tow Bar

P. O. Box 25

Tel.: 3255

H. C. WILLIAMS

Wilhelmínstr. 102

Mester un critica di opinion de  
bez en cuando pa duna hende poco  
smaak.

Mi a gusta e moda di espresa di  
e “FENETA” mashá, pasobra tin  
hende cu ta cu punja só nan ta  
comprende un cos. Y manera mi  
ta mirando, aki poco tempo mas  
lo no tin libertad pa espresa bo  
sentimento ni pensamento mas.

Ta manera cu politiek kier e ta  
haci y deshaci.

Mihor cos cu Arubiano por ha-  
ci ta dobla y warda y laga ex-  
tranhero manda, pasobra ta Aru-  
biano mes kier asina.

E carta aki ta pa duna bo un  
idea con mi Mama a sinja mi skr-  
bi papiamento y mi ta spera di no  
a herida bo, ta mi opinion.

Mas nada.

Saludo y respet.

L. Croes.

### NOTA DI REDAKSHON

Dos ta kontento ku e reakshon  
aki di un di nos señoranan dina-  
miko den nos komunidat. E kar-  
ta aki ta un prweba ku tin hende  
ku no ta kritika ku palabra so  
pero ku ta pone nan idea ariba pa-  
pel tambe.

Nos ta spera di tende mas  
señora L. C. den futuro.

ABONA Y LESA FENETA !

embargo di pensa un momento en general, pa byenestar di tur hende, i komo nos ta den nos mes un komunidad, pone un tiki mas atenshon riba nos mes.

Tin hopi cambyonan necesario pa nos pweblo, pero tin falta di solidaridat, di unyon. Nos no ta buska bastante pa hasi otro sinti bon, sinti feliz. Nos mester trata pa no buska falta o fayonan so di otro, tur hende tin nan bon kosnan, laga nos no lubida esey.

Tur kategorya di nos komunidad mester buska unda e por hasi bon pa otro.

Negosiantenan pa nan trahadornan i klientenan i tambe pa e turistanan.

Goberno pa su trahadornan. Politiko pa e komunidad ku e ta representa. En todo kaso laga nos tur stop di abusa di otro. Buska por fabor unda bo mes a faya.

E palabranan aki mi ta sigur ku bo a tende nan kaba pero mi kyer men awor, laga nos praktika nan ku tur posibilidat ku ta den nos.

Awendia nos no por nenga di hasi loke ta bon pa otro pasobra e tenshon ku ta eksisti lo krese bira un 'bom' i ora ku e eksplota ta lat, mucho lat. Pasobra hopi di nos ta sinti den nos un rabya sin sa, riba ken of kon nos por bahé.

Laga nos ripara ku awendia e pensamento ta bira: Si nos kyer kambya ta ku brutalidat o sla so nos por logra."

Pesey laga nos hasi tur posibel pa hasi un era di historia nunca bisto den mundo pa otro, especialmente pa nos mesun komunidad. Mi ta nenga di bisa "Boir Aña" pasobra tur otro añanan nos ta bisa

esey i ta bira mas brabo riba otro.

Ku dwele mester bisa ku ainda nos ta pesimista, ku ta duro pa mira e bida aki banda, ku un sonrisa.

## AKSIKOMITÊ DI ANTIYANO NA HULANDA

Postbus 32, Amsterdam

Siguiente PROGRAMA POLITIKO por sirbi komo base pa akshon komun pa kambia situashon na Antiyas na favor di e gran mayoria di poblashon ku no ta pertenesa na e klase di kapitalista i e kategorya di oportunista politiko.

komo **objetivo politiko**:

— rechasamentu di tur forma di dependensia di poder estranhero ku ta prinsipalmente na probecho di interesnan kapitalista europeo, merikano i antiyano.

— deklarashon di independensia di Antiyas pa nos por disidi riba nos futuro sin ku un poder estranhero tin e derecho di intervenshon,

— representashon proporshonal di e klase di obrero den gobiernu sentral i insular dor di nan lidernan pa kaba ku eksplotashon i opreshon,

— libertad di palabran na radio i television pa tur forsanen antikapitalista i progresista den nos komunidadnan.

— establementu di un sistema ku ta garantisa derechonan sosial di kada Antiyano riba trabow, entra-

da, onderstand, pinshon di bjehes, kas, etc.

— libertad di prensa pa forsanen socialista na nos islanan.

komo **objetivo ekonomiko**:

— nasionalisashon di medianan prinsipal di produkshon pa hania e kapital nesario pa lanta proyekto ku ta krea trabow i entrada pa tur Antiyano i pa kubri nesidadnan kolektivo di poblashon, es decir:

eksplotashon di bankonan, kompanianan di aseguro, kasino i hotelnan, kompanianan di konstrukshon, di elektrisidad, di komersio, etc. dor di gobiernu.

— kambio di e kondishonnan riba kwal Ulanda i Mercado Komun Europeo (EEG) ta duna 'ayudo financiero' na Antiyas pa nos desarroya nos ekonomia den interes di nos pueblo,

— hisa belasting radikalmente riba e ganashinan di e empresanan grandi i riba entradanan ku ta sorpasa NAF. 25.000 pa anja, den e periodo prome ku nasionalisashon,

— kita belasting riba entradanan di menos ku NAF. 5000 pa anja,

— bahamentu imediato di e presionan konteniendo ganashi eksorbitante, manera esnan di med sina i di otro artikulo ku ta bende na botika,

— kontrol drastiko tambe di presionan di kuminda, huur di kas, artikulo di uso,

komo **objetivo sosial**:

— antiyanisashon di e kader di

## CARIB MOTORS

## CARIB MOTORS

GANAN un FORD CAPRI G.T. 1970 nobo nobo, cumprando un auto nobo den e luna di December na CARIB MOTORS

GANAN un prome premio di 1.000,00 FLORIN na compra di un auto segunda mano di Mil Florin of mas.

Sorteo lo tuma lugar dia 23 di December, ariba cual dia CARIB MOTORS lo habri portanan di su edificio nobo na L. G. Smith Boulevard.

FORD - MERCURY - LINCOLN

## SI PLAKA TA'A CRECE NA PALO

Si plaka at'a crece na palo, anto toer pal'i plaka ta'ata secu  
toer hende lo a biba cu ansha y cudishi pa bira rico  
pués toer hende lo a bai biba bao'i palo aunque sin blachi bashí  
lo ta'tá un bida hopi malo, den solo, den mondi, perdí.

Lo n'ta tin paz, ni amistad, ni sosiego, si plaka na palo mester a nace  
lo n'ta tin donjo, ni shon, ni labriego, ni tampoco plaka ta por a crece.  
Pués toer man — man chikito y grandi, lo tey clá pa ranca toer foyo  
lo n'ta tin ni siquiera ni e palo, y si ta'atá tin lo ta solo cogollo

Ay, si apenas un senja di blachi, na e palo mester aparece  
Promé cu e bira honderd, ora e ta vijf mes nan lo a ranké  
Lo toer alma, lo a pensa arib'es mata, y planéa sperando cosecha,  
si plaka ta vlam destrozante, e pal'i plaka lo tabata e mecha.

Ki desgracia nos mundo lo n'ta'atá, si plaka a nace na palo  
cuanto hende lo n' worde matá, pa esnan avaro y malo  
Ningun hende lo n' biba contento, sino cu consenshi y curazón tranca  
lo nan n' drumi y lubida sonjo, te e último blachi worde ranka.

Ay plaka, ay zeta milagrosa, cu ta los toer scharnier y toer schroef  
bo ta e droga exitante y poderosa, cu ta pone hende y machien-nan moef  
Ta berdad cu pa consenshi e plaka, sigur e ta un vlam destrozante  
sinembargo den angustia di dolor, y verguenza, ni siquiera e ta sirbi pa calmante.

Ay ki dushi cu nos mundo n'ta sina, cu toer plaka ta leeuw y skondi  
cu tin rico, tin donjo, tin hefe, y tambe hopi hende bashí  
Danki Dios cu nos mundo ta otro, yen di pober den mondinan drumi  
En cambio den anochi di riqueza, tin hopi rico cu wowonan habrí.

Ma..... ay, si plaka ta'atá crece na palo, kizas lo e n'ta tin valor  
nos no por sabi si lo ta'tá más malo, o más mihor cu loke nos tin a wor  
Solamente un cos ta sigur, y esakí lo zona manera un donder.....  
nos toer lo a ranka vijf, lo e n' hecha bira honderd .....

PEDRO MARTIS

(10 juli 1969)

# ARUBA BOTTLING COMPANY

ta apoyá tur anhelo di obreronan na Aruba pa wordu pagá un sueldo  
realista y digno di nan servicionan.

DIRECTIVA